

LA USC DI LADINS – VENERDI' 31 MAGGIO 2019

Union Generela di Ladins: creta tl davegní

Da l'Aduneda anuala dant otedí tla Cěsa di Ladins a Urtijěi: ativité dl ann passé garateda, bilanz stabil

Jent de dutes les sies Unions di Ladins y da dutes les valedes ladines s'á enconté dant otedí, ai 24 de mei, tla Biblioteca Ladina anda Malia da Cudan tla Cěsa di Ladins a Urtijěi per aprové i conc dl ann passé y l'ativité dl ann atual. L salut é vegnú porté ence dal ombolt de Urtijěi Tobia Moroder y dal assessour a la cultura Ivan Senoner. Per duta la serada é steda l'imprescion de laoré

— vâ inant a plata 3



La presidenta Milva Mussner á podú saludé i raprezentanc de dutes les Unions di Ladins y ence de plu autoritês.

Union Generela: creta tl davegní

adum y inant demé positiva, y al é sté de senti te salf n bel clima de union y comunanza.

L'ativité te ciasa y tl'Europa

La presidenta Milva Mussner á mené tres la seira, scumencian con la prejentazion dl'ativité culturala scialdi rica che é vegnuda desifreda tl 2018. Na delegazion é steda al Congres anual dla FUEN – la union dles mendranzes europeiches – a Leeuwarden/Ljouwert, zité ti Paisc Basc y capitala europeica dla cultura dl 2018. L'Union Generela di Ladins dla Dolomites ova ence organisé n iade culturala a Eupen, per si cumembri y per les autorités politiches ladines, per s'interessé dla comunité de mendranza todesca tl Belje, che viv na sconanza culturala y linguistica, y dantalud na autonomia particulara tl contest dles mendranzes europeiches.

L'ann passé ova l'Union Generela di Ladins ence invié via l'projet "Ladinia meets Japan", n spetacul de mujiga interladin de Jean Daniel Granruaz y Karin Nakagawa che vegnirá concretisé y prejenté al public en chest ann. Da auzé fora da l'ativité dl ann passé el samben ence l'Di dla Unité Ladina sun Jöuf de Pordü, l'pelerinaje dla jent ladina a Oies y l'festival "Cianta con nos" con stazion te Sëlva.

La Union ie... dl'onch

Viadó a la Union Generela di Ladins dla Dolomites stál la pascion y la legréza de laoré per l'ladin y i ladins. Chest vuel dl'la pratica y cuotidianité trüep voluntariat. La presidenta Milva Mussner é steda l'ann passé ben a endut 102 apuntamenc (sentedes, reunions, festes, conzerz yii.) per l'Union Generela di Ladins: nuef sentedes de consei dla UGLD, does adunedes



L. dottor commercialist Ludwig Complot prejenté i cont consuntif dla UGLD.

generales, does sentedes dl comitè de redazion de La Usc di Ladins, trei sentedes tematiches con la redazion de La Usc, ben cincanta anter d'autri avvenimenc, encontedes y intervistes, y 36 manifestazions de reprejentanza.

N bilanz positif

Pertruép el rie de tré ite plu che n tant da l'ativité culturala y da la venuda de publicazions, cie che pesa samben negativamenter sun i conc dl'Union Generela di Ladins dla Dolomites. Ma La Usc di Ladins, organ dla Union Generela di Ladins, con na deseina de colaboradours (a temp plen resp. temp parzial), á na ativité ence comerciala, dlongia a chela jornalistic-publizistica, importante. La Usc di Ladins á scrit l'ann passé zifres fosces te si cont consuntif, y chest dá creta per l'davegní. Cialan derevers ai agn passés é les condizions atuales bones de garantí na certa stabelté per l'davegní de La Usc y dla Union

Generela di Ladins. Cruzies per debic y grovaries aministratives arfera la vueia de organisé y mete en pratica idees nueves de coejon sozial-culturala anter i ladins.

I contribuc publicis

La presidenta Milva Mussner á jonté pro che n maiour contribut finanzia da pert dla man publica, dantalud da la Region, jiss de uega per na aministrazion plu programatica de La Usc di Ladins y dla Union Generela di Ladins. Na garanzia de chest vers podessel vegni tres n regolament, da sclu ju sie con les Provinzie che con la Region, per sovenzions en proporzion a les speises. «Almanco per la funzion importante y l'laor de coejon che La Usc á anter i ladins dla Ladinia y ence foradecá, se meritessen n contribut anual segur, zenza messel ann per ann ji á damané do», ensi Milva Mussner, che ajonta ciamó che ala é reconescenta che la Region á l'ann passé dé ca n bon contribut



L. ombolt de Urtijëi Moroder s'á mostré entusiast di laours per la Cësa di Ladins.

per l'projet de redesign y renovamenc tecnic de La Usc.

Abonamenc spezial

Da di restel che les entredes da pert di abonamenc de La Usc di Ladins é caledes. Te chesta ocajon el da recordé l'azion speziala per i 70 agn de stampa ladina: n abonamenc al foliet en fin la fin dl ann costa demé 30,00 euro, an possa l'giapé ciamó en fin la fin de jugn cherdan su o passan tles redazions partides su fora per les vals ladines.

La Cësa di Ladins nueva

L. ombolt de Urtijëi Tobia Moroder á lassé al savei, do avei fat si complimenc per l'laor dla UGLD y de La Usc di Ladins, che l'concurs de proietazion a nivel europeich per la Cësa di Ladins nueva vegnirá concretisé ti proscims meis. Dut l'projet dla Cësa nueva costará zircona diesc milions de euro. L'assessour Ivan Senoner á auzé fora che «na

ciasa culturala é demé viva sce al vegn fat cultura laite».

Encontada con i assessours

La presidenta Milva Mussner á ence rejoné de chel che é bele vegnú fat te chisc primis meis dl 2019. Da auzé fora é chilo dessegur l'encontada con i assessours ladins nuefs Manfred Vallazza y Daniel Alfreider.

N scumenciament nuef

L. 2019 é n ann important per l'prejent y l'davegní de La Usc di Ladins. Dlongia a la grafica nueva ala giaté dant da n meis n sistem de laor nuef anter les redazions. Y al é vegnú festejé le jubileum de 70 agn de «stampa ladina». La Usc di Ladins á ence arjont chest ann 2019 i 6000 «me plej» sun la plata Facebook, y al é vegnú dauri la plata Instagram – che cresc for plu y plu.

Bruno Maruca/ir

INTERVISTA

»La ulentà y la pascion«

Milva Mussner, la presidënta dla Union Generela di Ladins dla Dolomites, respogn en curt

La Usc Chèst ann iel stat la festa di 70 ani dla stampa ladina. Ciuna ndesfidesdes iel pa tl dauni de nosta zalta?

Milva Mussner «Resté inant na «usc» atrativa, y adateda nce ai jëuni. Cun la grafica nueva an bele fat n var mpurtant de chèsc viers.»

Ile pa i jëuni mo n publich rie da arjonjer per la cultura ladina? «Sci, i jëuni á tan trüepa pusciblteis tl tēp liede, y nscila iel rie ai

arjonjer. Purempò, tres la scola y la istituzions ladines, iel for inò jëuni che vëija ite la mpurtanza y se dá ju cun la cultura ladina.»

Trëi cunzec per descri i guant nuef de La Usc. «Plu frësca y urdineda. Plu da culëur. La á manteni si carater.»

Ratëis'a che la Union Generela di Ladins dla Dolomites fajerà mo

inant tan de atività culturela uni ann?

«Sci, l'ie la ulentà y la pascion. L'ie mesun sce duc juda pea: la Union Generela di Ladins ie la Unions de valeda. Plu manifestazions che l'vën fat, y plu vijibiltà che n possa arjonjer per teni adum mo scialdi miec danter ladins.»

Bruno Maruca



Milva Mussner é da cater agn encá la presidenta dla UGLD.



Milva Mussner cun sia man drëta tla aministrazion Marion Kostner.